

ار-زراين-ووسان-نڱ 90

- 1 وا-رڻي ڪيڻي ا-يڱان ازواڱ-نڱ
زغ-تاسوت ن-تاسوتين.
- 2 غ-ور-تا-لولن عيدرارن عولا تسڪرت اڪال
تڪيت-ٽين بدا تڪيت رڻي، را-تڪت رڻي ديماء.
- 3 ار-ٿراتا عيمزدغن ن-ڏونيت س-واڪال،
تينيت <<ووريات ا-تاروا ن-بنادم.>>
- 4 الف ن-وسڪاس ڱان غ-يڙري-نڱ
زوند عيضمگام لي-يزرين زوند تاساعت ن-ييض.
- 5 دا-ٿاويت بنادم زوند انگاي ن-واسيف،
نرري ڪولواغ زوند تاوارڪيت،
زوند توڱا عيمغين زيڪ صباح.
- 6 تمغي-د زيڪ تنڪر توت س-وجدڻيڪ،
تسلاو تيقار س-تدڱات.
- 7 نتھلڪ س-لغاضاب نغووض غ-سخط-نڱ،
تسبايت ڪولو ڏنوب-نڱ غ-لگڏام-نڱ.
- 8 تزودفت ا-رڻي غايلي عيدلن غ-وولاون-نڱ،
س-لغاضاب ا-س-ا-ٿبيت تودرت-نڱ،
- 9 زوند تونفوست اد-زراين-ووسان-نڱ.
سا ن-يد-مراو اد-ڱان عيسڪاسن ن-بنادم،
نغد تام عيد-مراو اي-يان عيصحان.
عور-ڱيسن-نرري ابلا تاڪرايت د-تمارا،
حائنا-س-تمان نايل زغ-غي.
- 11 ما-يسن جھد ن-سخط-نڱ ا-رڻي؟
ما-يسن تيكساس لغاضاب-نڱ؟
- 12 سلمد-اغ ا-رڻي ا-تتحاساب عوسان-نڱ
افاد ا-يعمر-وول-نڱ س-تحڪيمت-نڱ.
ار ماناڱو ا-رڻي ا-را-فلائغ-تيلي تاڱات؟
حنو فلائغ تووريد-د س-يسمگان-نڱ.
- 14 تعمارت-اغ زيڪ س-تايري-نڱ عيزڱان،
ا-نفرح ار-اڪ-نتيرير ڪولو عوسان-نڱ.
- 15 تفكت-اغ-د ا-رڻي عوسان لفرح
عونشڪ ن-وين-تڱوڙيوين لي-زغ-اغ-تزریت.
تفكت-اغ-د ا-رڻي عيسڪاسن لفرح
عونشڪ ن-وين-تنوڪموت لي-فلائغ-يزرين.
- 16 تملت-اغ-د ا-رڻي لقوا ن-يسڪيرن-نڱ،
تسبايتد-د لمجد-نڱ اي-تاروا-نڱ.
- 17 ا-فلائغ-ييلي-وفولڪي ن-سيدي رڻي،
تباركت عيسڪيرن ن-يفاسن-نڱ.
د-يسڪيرن ن-يفاسن-نڱ، بارڪ-تن ا-رڻي.